

OTPREMLJENO

24-11-2023

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
JAVNA USTANOVA CENTAR ZA SOCIJALNI RAD
TUZLA

Tuzla, Kozaračka bb, tel.: +387 35 36 90 10, fax: +387 35 36 90 35, e-mail: info@csrtuzla.ba

Broj: UPII-4-7-71-3-11/23 ĐL
Tuzla, 20.11.2023.godine

Na osnovu člana 100. stav 3. Zakona o javnim nabavkama Bosne i Hercegovine („Službeni glasnik BiH“ broj: 39/14. i 59/22), rješavajući po žalbi izjavljenoj na tendersku dokumentaciju u predmetu javne nabavke roba, kompjuterske opreme za JU Centar za socijalni rad Tuzla od strane ponuđača „Derman Company“ d.o.o Zenica, zastupan od strane punomoćnika Hodžić Adnana, advokata iz Zenice, direktorica JU Centar za socijalni rad Tuzla, donosi

RJEŠENJE
o djelimičnom usvajanju žalbe

Djelimično se usvaja žalba ponuđača „Derman Company“ d.o.o Zenica, zastupan od strane punomoćnika Hodžić Adnana, advokata iz Zenice, koja je dopuštena, pravovremena i izjavljena od strane ovlaštenog lica, a izjavljena je na tendersku dokumentaciju broj: 01-04-1-3041/23, u postupku javne nabavke roba, kompjuterske opreme za JU Centar za socijalni rad Tuzla, objavljenu na Portalu javnih nabavki pod brojem 4-7-1-71-3-11/23 od 14.11.2023.godine.

Nakon pravosnažnosti ovog Rješenja, Ugovorni organ će izvršiti izmjenu TD u skladu sa odredbama Zakona o javnim nabavkama BiH i podzakonskim aktima, te nastaviti postupak nabavke.

Ovo Rješenje stupa na snagu danom donošenja i objavit će se na web stranici JU Centar za socijalni rad Tuzla www.csrtuzla.ba.

OBRAZLOŽENJE

JU Centar za socijalni rad Tuzla prema Odluci broj: 01-04-1-3041/23 ĐL od 14.11.2023.godine pokrenula je postupak javne nabavke roba, kompjuterske opreme za JU Centar za socijalni rad Tuzla, putem konkurentskog zahtjeva za dostavljanje ponuda.

Dana 14.11.2023.godine na Portalu javnih nabavki objavljeno je Obavještenje o nabavci broj: 4-7-1-71-3-11/23 za provođenje postupka javne nabavke roba, kompjuterske opreme za JU Centar za socijalni rad Tuzla. Procjenjena vrijednost javne nabavke je 16.239,32 KM.

Ponuđač „Derman Company“ d.o.o Zenica, je navedenu tendersku dokumentaciju preuzeo sa Portala javnih nabavki dana 15.11.2023.godine. Ponuđač „Derman Company“ d.o.o Zenica je zastupan od strane punomoćnika Hodžić Adnana, advokata iz Zenice dana 16.11.2023.godine JU Centar za socijalni rad Tuzla, kao Ugovornom organu putem e-maila dostavio žalbu na tendersku dokumentaciju, a dana 17.11.2023.godine ista žalba je zaprimljena i putem pošte. Postupajući po žalbi, ugovorni organ je utvrdio da je žalba dopuštena, pravovremena i izjavljena od strane ovlaštenog lica, te da su navodi istaknuti u istoj djelimično osnovani.

Ponuđač je žalbu izjavio jer smatra da je Ugovorni organ povrijedio Zakon o javnim nabavkama Bosne i Hercegovine i podzakonske akte, narušavajući prava potencijalnog ponuđača u predmetnoj tenderskoj dokumentaciji, u žalbi se također navodi da je tenderska dokumentacija sačinjena suprotno odredbama Zakona o javnim nabavkama Bosne i Hercegovine (Člana 45. I člana 46). Žalitelj navodi da Ugovorni organ ni na jednom mjestu ne

propisuje da ponuđač mora ispunjavati uslove lične sposobnosti predviđene odredbom člana 45. Zakona o javnim nabavkama Bosne i Hercegovine. **Ovaj žalbeni navod nije osnovan.** U tenerskoj dokumentaciji u postupku javne nabavke roba, računarske opreme broj: 01-04-1-3041/23, koja je objavljena na Portalu javnih nabavki pod tačkom sedam (7) tenderske dokumentacije navedeni su Uslovi za kvalifikaciju ponuđača, a pod tačkom 7.1 navedeni su uslovi za ličnu sposobnost ponuđača, što je u skladu sa članom 45. Zakona o javnim nabavkama Bosne i Hercegovine. U aneksu tri (3), koji čini sastavni dio predmetne tenderske dokumentacije od ponuđača se traži izjava o ispunjavanju uslova iz člana 45. Zakona.

Osnovani su navodi žalitelja koji se odnose na primjenu odredbe člana 46. Zakona u predmetnoj tenderskoj dokumentaciji. Članom 46. Zakona o javnim nabavkama određena je sposobnost obavljanja profesionalne djelatnosti, te je u stavu jedan pomenutog člana propisano da Ugovorni organ u tenderskoj dokumentaciji može od kandidata/ponuđača zahtijevati da dokaže svoju registraciju u odgovarajućim profesionalnim ili drugim registrima zemlje u kojoj su registrovani ili da obezbijede posebnu izjavu ili potvrdu nadležnog organa kojem se dokazuje njihovo pravo da obavljaju profesionalnu djelatnost, koja je u vezi sa predmetom nabavke. U stavu dva istog člana Zakona propisano je da dokumenti iz stava 1 ovog člana priznaju se na teritoriji Bosne i Hercegovine, bez obzira na kojem nivou vlasti su izdate. Ugovorni organ je pogriješio u pobijanoj tenderskoj dokumentaciji, tražeći od potencijalnih ponuđača da moraju dostaviti navedeni akt original ili ovjerenu kopiju ne stariju od tri mjeseca računajući od dana podnošenja ponude. Kako je ovakva formulacija suprotna odredbi člana 46. Zakona o javnim nabavkama, Ugovorni organ **ovaj žalbeni navod prihvata kao osnovan** i isti će se ispraviti i izmjeniti u tenderskoj dokumentaciji.

Uzimajući u obzir naprijed navedeno riješeno je kao u dispozitivu rješenja.

Pouka o pravnom lijeku

Protiv ovog Rješenja može se izjaviti žalba Uredu za razmatranje žalbi BiH (URŽ), putem ugovornog organa, u roku od pet (5) dana od prijema rješenja.

Postupak vodila

Đonlić Larisa, dipl.pravnik

Larisa Đonlić

DOSTAVLJENO:

1. „Derman Company“ d.o.o Zenica, zastupan od strane punomoćnika Hodžić Adnana, advokat iz Zenice, ul.Branilaca Bosne br.8

2 a/a



DIREKTORICA

Dr. sci. Sadiković Lejla, dipl.pravnik

Lejla Sadiković

arimu

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
JAVNA USTANOVA CENTAR ZA SOCIJALNI RAD
TUZLA

Tuzla, Kozaračka bb, tel.: +387 35 36 90 10, fax: +387 35 36 90 35, e-mail: info@csrtuzla.ba

Broj: UPII-01-04-1-3041/23 ĐL
Tuzla, 21.11.2023.godine

Na osnovu člana 100. stav 3. Zakona o javnim nabavkama Bosne i Hercegovine („Službeni glasnik BiH“ broj: 39/14. i 59/22), rješavajući po žalbi izjavljenoj na tendersku dokumentaciju u predmetu javne nabavke roba, kompjuterske opreme za JU Centar za socijalni rad Tuzla od strane ponuđača „Gradprom“ d.o.o Srbac, zastupan od strane punomoćnika Antoniće Mileta, advokata iz Banja Luke, ul. Veselina Masleše bb, direktorica JU Centar za socijalni rad Tuzla, donosi

RJEŠENJE
o usvajanju žalbe

Usvaja se žalba ponuđača „Gradprom“ d.o.o Srbac, zastupan od strane punomoćnika Antoniće Mileta, advokata iz Banja Luke, ul. Veselina Masleše bb, koja je dopuštena, pravovremena i izjavljena od strane ovlaštenog lica, a izjavljena je na tendersku dokumentaciju broj: 01-04-1-3041/23, u postupku javne nabavke roba, kompjuterske opreme za JU Centar za socijalni rad Tuzla, objavljenu na Portalu javnih nabavki pod brojem 4-7-1-71-3-11/23 od 14.11.2023.godine.

Nakon pravosnažnosti ovog Rješenja, Ugovorni organ će izvršiti izmjenu TD u skladu sa odredbama Zakona o javnim nabavkama BiH i podzakonskim aktima, te nastaviti postupak nabavke.

Ovo Rješenje stupa na snagu danom donošenja i objavit će se na web stranici JU Centar za socijalni rad Tuzla www.csrtuzla.ba.

OBRAZLOŽENJE

JU Centar za socijalni rad Tuzla prema Odluci broj: 01-04-1-3041/23 ĐL od 14.11.2023.godine pokrenula je postupak javne nabavke roba, kompjuterske opreme za JU Centar za socijalni rad Tuzla, putem konkurentskog zahtjeva za dostavljanje ponuda.

Dana 14.11.2023.godine na Portalu javnih nabavki objavljeno je Obavještenje o nabavci broj: 4-7-1-71-3-11/23 za provođenje postupka javne nabavke roba, kompjuterske opreme za JU Centar za socijalni rad Tuzla. Procjenjena vrijednost javne nabavke je 16.239,32 KM.

Ponuđač „Gradprom“ d.o.o Srbac, je navedenu tendersku dokumentaciju preuzeo sa Portala javnih nabavki dana 14.11.2023.godine. Ponuđač „Gradprom“ d.o.o Srbac, zastupan od strane punomoćnika Antoniće Mileta, advokata iz Banja Luke, ul. Veselina Masleše bb dana 17.11.2023.godine JU Centar za socijalni rad Tuzla, kao Ugovornom organu putem pošte dostavio žalbu na tendersku dokumentaciju. Postupajući po žalbi, ugovorni organ je utvrdio da je žalba dopuštena, pravovremena i izjavljena od strane ovlaštenog lica, te da su navodi istaknuti u istoj osnovani.

U tenderskoj dokumentaciji za nabavku roba, kompjuterske opreme u pogledu tehničke i profesionalne sposobnosti regulisane članom 48. i 50. Zakona o javnim nabavkama Bosne i Hercegovine Ugovorni organ je naveo da kandidati trebaju ispunjavati sljedeći uslov za kvalifikaciju:

-da imaju uspješno iskustvo u realizaciji najmanje 1 (jednog) ugovora u posljednje 3 (tri) godine od datuma registracije odnosno početka poslovanja, koji su u vezi s predmetnom nabavkom, odnosno čiji su karakter i kompleksnost adekvatni predmetnoj nabavci.

U tački 7.3.2. tenderske dokumentacije navedena je tehnička i profesionalna sposobnost kandidata iz tačke 7.3.1. tenderske dokumentacije će se izvršiti na osnovu dostavljanja sljedećeg dokaza:

Spisak izvršenih ugovora o isporučenoj robi koja je predmet nabavke, u posljednje 3 (tri) godine ili od datuma registracije, odnosno početka poslovanja, ako je kandidat registrovan, odnosno počeo sa radom prije 3 (tri) godine koji sadrži minimalno jedan ugovor čija ukupna vrijednost iznosi najmanje 19.000,00 KM bez uračunatog PDV-a.

Žalitelj izjavljuje žalbu na navedene odredbe tenderske dokumentacije, jer su u suprotnosti sa odredbama Zakona o javnim nabavkama Bosne i Hercegovine i podzakonskih akata. Članom 44. stav 3. Zakona o javnim nabavkama Bosne i Hercegovine propisano je da minimum kvalifikacionih uslova koje ugovorni organ odredi za kandidata/ponuđača, kao i dokumenti koji su potrebni za njihovo dokazivanje obavezno treba da budu srazmjerni predmetu javne nabavke i u skladu s njim. Postavljeni uslovi ne smiju imati ograničavajući karakter na konkurenciju i moraju biti jasni i precizni.

Kako je procijenjena vrijednost javne nabavke roba, kompjuterske opreme 16.239,32 KM, bez PDV-a, a sa uračunatim PDV-om iznosi 19.000,00 KM Ugovorni organ je greškom naveo, da spisak izvršenih ugovora o isporučenoj robi koja je predmet nabavke, u posljednje 3 (tri) godine ili od datuma registracije, odnosno početka poslovanja, ako je kandidat registrovan, odnosno počeo sa radom prije 3 (tri) godine koji sadrži minimalno jedan ugovor čija ukupna vrijednost iznosi najmanje 19.000,00 KM bez uračunatog PDV-a, zbog čega žalbeni navod prihvata kao osnovan i isti će se ispraviti i izmjeniti u tenderskoj dokumentaciji.

Za naknadu troškova sastava žalbe Ugovorni organ će proslijediti Uredu za razmatranje žalbi na daljnje odlučivanje.

Uzimajući u obzir naprijed navedeno riješeno je kao u dispozitivu rješenja.

Pouka o pravnom lijeku

Protiv ovog Rješenje može se izjaviti žalba Uredu za razmatranje žalbi BiH (URŽ), putem ugovornog organa, u roku od pet (5) dana od prijema rješenja.

Postupak vodila

Đonlić Larisa, dipl.pravnik


Larisa Đonlić

DOSTAVLJENO:

1. „Gradprom“ d.o.o Srbac,

zastupan od strane punomoćnika Antonić Mile, advokata iz Banja Luke, ul. Veselina Masleše bb

2.a/a



DIREKTORICA
Dr. sci. Sađiković Lejla, dipl.pravnik

Lejla Sađiković

anam